



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente
XI. editas

Luxemburgi, 1739

CXXXVIII. De Congregatione Bethlehemitarum in Indiis Occidental. ejusque
erectione in Religionem.

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

causa amplius non proponenda.

Corfinum, ut supra, præposito -- Sacra Congregatio Eminentissimorum, & Reverendissimorum S. R. E. Cardinalium negotiis, & consultationibus Episcoporum, & Regularium præposita, partibus ipsis denuo informantibus, & referente eodem Eminentiss. Corfino stetit in Decretis in omnibus, & causam hujusmodi amplius non proponi mandavit. Romæ 28. Septembris 1714. F. Card. de Abdua -- Ferdinandus Archiepisc. Nicenus Secr.

Præces Procuratoris Gen. Congregationis Lombardiæ.

§. 5. Cum autem, sicut dilectus filius modernus Procurator Generalis dictæ Congregationis Observantiæ Lombardiæ nobis subinde exponi fecit, ipse Decretum hujusmodi, quo firmius subsistat, & servetur exactius Apostolicæ confirmationis Nostræ patrocinio communiti summopere desideret; Nos ejusdem Procuratoris Generalis desiderio hac in re quantum cum Domino possumus favorabiliter annuere volentes, eumque a quibusvis excommunicationis, suspensionis, & Interdicti, aliisque Ecclesiasticis sententiis, censuris, & penis a jure, vel ab homine quavis occasione, vel causa latis, si quibus quomodolibet innodatus existit ad effectum præsentium dumtaxat consequendum harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinati, Decreta præinserta, auctoritate Apostolica tenore præsentium confirmamus, & approbamus, illique inviolabilis Apostolicæ firmitatis robor adjicimus: Salva tamen semper in præmissis auctoritate memoratæ Congregationis Cardinalium.

Confirmatio relationum Decretorum.

Clausulæ.

§. 6. Decernentes easdem præsentis literas, semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & pro tempore quocumque spectabit, in omnibus, & per omnia plenissime suffragari, in omnibus, & ab eis respective inviolabiliter observari: sicque in præmissis per quoscumque judices Ordinarios, & Delegatos, etiam Causarum Palatii Apostolici Auditores, judicari, & definiri debere; ac irritum, & inane, si secus super his a quoquam, quavis auctoritate, scienter, vel ignoranter contigerit attentari.

§. 7. Non obstantibus Constitutionibus, & Ordinationibus Apostolicis, ac quatenus opus sit Congregationis Lombardiæ, & Ordinis prædictorum, etiam juramento, confirmatione Apostolica, vel quavis firmitate alia roboratis, statutis, & consuetudinibus; privilegiis quoque, Indultis, & Literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plene, & sufficienter expressis, ac de verbo ad verbum insertis habentes, illis alias in suo robore permanens, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

Datum Romæ apud Sanctam Mariam Majorem sub Annulo Piscatoris die XII. Novembris MDCCXIV. Pontificatus nostri Anno Decimoquarto.

CXXXVIII

Confirmantur quedam Decreta Congregationis particularis, ac Episc., & Regular. de revocatione Decretorum Capituli General. 1703. Congregationis Bethlehemitarum in Indiis Occidental., ejus erectione in Religionem, aliisque nonnullis ad regimen pertinentibus.

Erectionem hujus Congregationis, ejusque Constitutiones vide in Inn. XI. Const. ed. 1687. Mar. 26. P. 11. Erecta fuit in Religionem ab hoc Pontifice Const. edit. 1710. Apr. 3. P. 10. Et Bened. XIII.

Const. ed. 1725. Maii 4. P. 1. confirmantur quedam resolutiones Capituli Gen.

CLEMENS PAPA XI.

Ad futuram rei memoriam.

Alias emanarunt tam a Congregatione particulari nonnullorum ex Venerabilib. fratribus nostris S. R. E. Cardinalibus a Nobis specialiter deputata, quam a Congregatione eorumdem Cardinalium negotiis, & Consultationibus Episcoporum, & Regularium præposita ad supplicationem dilecti filii Francisci de Sancto Antonio Fratris expresse professi, ac Prioris Hospitalis, seu Domorum Mexican., Angelopolitan., Oaxacan., & S. Christophori de Havana nuncupat. Congregationis Bethlehemitarum in Indiis Occidentalibus Decreta tenoris, qui sequitur, videlicet -- Cum in asserto Capitulo Generali Congregationis Bethlehemitarum habito Guathemalæ die 12. Decemb. 1703. quamplura edita fuerint Decreta contraria Constitutionibus dictæ Congregationis Apostolica auctoritate erecta anno 1687. confirmatis, adversus prædicta Decreta nomine Hospitalium, seu Domorum Mexican., Angelopolitan., Oaxacan., & S. Christophori de Havana nuncupati ejusdem Congregationis, mediantem persona fratris Francisci a S. Antonio eorum specialis Procuratoris, habito recurfu ad S. Sedem Apostolicam, & negotii hujusmodi cognitione remissa ad Sacram Congregationem Episcoporum, & Regularium, & per eam deputata Congregatione particulari Eminentissimorum DD. Cardinalium S. Clementis, Gabriellii, & Parracciani usque, & sub die 12. Aprilis 1709. prodit Decretum tenoris sequentis -- Renovatis Decretis asserti Capituli Generalis in ea parte, in qua sunt contraria Constitutionibus, Apostolica auctoritate confirmatis, serventur omnino eadem Constitutiones & Archiepiscopo Limano pro executione, & convocacione Capituli, cui præsideat per se, sive per alium, cum omnibus facultatibus Sac. Congregationis, & quatenus tunc temporis Archiepiscopus obierit, exequatur, & præsideat Vicarius Capitularis; Quod Decretum sub die 25. Martii 1710. fuit per speciale Breve a Sanctissimo Domino nostro confirmatum; Et postea cum in eadem Congregatione orta fuerit dubietas. An Congregatio Bethlehemitarum esset vera, & formalis Religio, habita de tali dubitatione notitia a fratre Michaeli a Jesu Maria, & a fratre Francisco a S. Antonio, isti recursum habuerunt ad Sanctissimum, ad hoc, ut erigeret Congregationem Bethlehemitarum in veram Religionem, & delegata instantia per Sanctitatem Suam eidem Congregationi particulari trium Cardinalium, prodit sub die 8. Novembris ejusdem anni 1709. Decretum -- Consulendum Sanctissimo pro erectione Congregationis Bethlehemiticæ in Indiis Occidentalib. in veram Religionem cum votis solemnibus emittendis ex integro, etiam ab iis, qui hætenus vota emisserunt in eadem Congregatione: Ita tamen, ut emittentes nova vota prius certioventur de inefficacia præcedentium Votorum ad constituendos eos veros Religiosos -- Quod Decretum fuit a Sanctitate Sua approbatum per aliud Breve expeditum die 3. Aprilis 1710. Comque sub prætextu, quod P. Rodericus a Cruce assertus Præfectus Generalis Ord. Bethlehemitarum non fuerit auditus in supra relata Propositione habita coram dicta Sac. Congregatione deputata Serenissimus Rex Hispaniarum Philippus V. rentis dictis Brevibus remisit Partes ad Sanctissimum, ad effectum audiendi super præmissis ejus oraculum, porrecto pro parte Fratri Michaelis a Conceptione Procuratoris dicti Patris

Dat. 22. Dec. 1714. An. 15.

Species facti.

I. Decretum 1709. de revocatione Decretorum Capituli General. 1703. Constitutionibus adversantium.

II. Decretum 1709. de erectione Congregationis in veram Religionem.

III. Decretum 1714. de confirmatione relatorum Decretorum, & electione Superiorum, aliisque nonnullis.

Roderici Sanctitati Suae supplicii Libello, & iterum delegata negotii cognitione Sac. Congregationi deputata, & suscepto in locum Eminentiſſ. Gabriellii, Eminentiſſ. D. Cardinali S. Prisca, sub die 5. Februarii 1714., auditis Partibus, tam in voce, quam in scriptis, prodiit Decretum tenoris, qui sequitur -- Sac. Congregatio Particularis praedicta perstitit in Decretis sub die 12. Aprilis 1709., nempe quoad revocationem Decretorum aſſerti Capituli Generalis Guathamala in ea parte, in qua sunt contraria Constitutionibus Apostolica auctoritate confirmatis, servantur omnino Constitutiones; Et insuper declaravit, & decrevit, Capitulum Generale omnino esse convocandum, in quo eligatur novus Generalis, servata forma Constitutionum auctoritate Apostolica confirmatarum, & per vota secreta omnium Capitaliarum exquiratur, an expediat Religioni, quod in posterum Generalis sit ad sexennium, seu potius ad novennium, exclusa omnino perpetuitate Generalatus. Quoad duos Vice-Praefectos Generales Mexici, & Lima serventur Constitutiones. Quoad electionem Praefectorum localium pariter serventur Constitutiones. Quoad votum Assistentium esse decisivum ad formam Constitutionum. Quoad Vicarium Generalem per mortem Generalis pariter serventur Constitutiones. Quoad etatem eligendorum in Praefectos, & Magistros Novitiorum detur facultas dispensandi Praefecto Generali cum Voto Assistentium; Quo vero ad concernentia erectionem Congregationis Bethlehemiticae in veram Religionem, satis provisum per Decretum hujusmet Congregationis sub die 8. Novembris 1709. confirmatum per Breve Apostolicum -- Et die 27. Februar. 1714., facta relatione Sanctissimo Sanctitas Sua approbavit, & mandavit expediri Breve. Adversus quas resolutiones pro parte P. Roderici a Cruce, seu potius Fratris Michaelis a Conceptione ejus Procuratoris habito usque de Mense Martii proxime elapsi recurſu ad Sanctissimum Dominum Nostrum, & per Sanctitatem Suam benigne remissa causa cognitione ad Sac. Congregationem Generalem Episcoporum, & Regularium, cum pluries pro parte Fratris Francisci a S. Antonio fuerit intimata propositio, ejusque sub die 22. Maji mandaverit Sac. Congregatio, quod proponeretur omnino in prima, & ad petitionem Fratris Michaelis a Conceptione duorum, & ultra Mensium spatio dilata existerit, reposita causa per eundem Eminentiſſimum Ponentem, eadem S. Congregatio, Partibus in voce, & in scriptis acerrime informantibus super infraſcriptis Dubiis -- Primo. An sit locus reformationi Brevis Sanctiss. D. N. super erectione Congregationis Bethlehemiticae in Religionem editi die 3. Aprilis 1710. -- Secundo. An sit standum, vel recedendum a Decisis super aliis Resolutionibus capituli in S. Congregatione Particulari die 5. Februar. 1714. -- Respondit: Primum: Quoad: Nihil de praesens Reformatione Brevis, & ad mentem, quae est, quod detur optio iis, qui actu sunt in Congregatione, vel emittendi Vota solemnia, vel remanendi in eadem Congregatione obnoxii prioribus Votis. In reliquis Fratre Francisco a S. Antonio tantum informante, & Fratre Michaeli a Conceptione diu expectato, & continuis intimationibus laesisto informare recitante, eadem S. Congregatio in Decisis in omnibus, & hujusmodi Causam amplius non proponi mandavit, prout praesentis Decreti vigore amplius non proponi mandat, ac praecipit. Romae 17. Augusti 1714. F. Card. de Abdua -- Ferdinandus Archiep. Nicenus Secr.

IV. Decretum 1714. Congregationis Generalis in decisum, nec amplius proponendam causam.

§. 1. Cum autem, sicut dictus Franciscus Nobis subinde exponi fecit, ipse Decreta hujusmodi, quo firmius subsistant Apostolicae confirmationis nostrae patrocinio communiti pluri-

num desideret: Nos specialem ipsi Francisco gratiam facere volentes, eumque a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodatus existit, ad effectum praesentium duntaxat consequendum harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinatis, Decreta praesentia auctoritate Apostolica tenore praesentium confirmamus, & approbamus, illisque inviolabilis Apostolicae firmitatis robor adjicimus.

§. 2. Decernentes easdem praesentes literas semper firmas, validas, & efficaces existere, & fore, suosque plenarios, & integros effectus fortiri, & obtinere, ac illis, ad quos spectat, & pro tempore spectabit, in omnibus, & per omnia plenissime suffragari, & ab eis respective inviolabiliter observari: Sicque in praemissis per quoscumque Judices Ordinarios, & Delegatos, etiam causarum Palatii Apostolici Auditores judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 3. Quocirca Venerabilibus Fratribus Archiepiscopis Liman., & Mexican. in solidum, ac dilectis itidem filiis eorum Officialibus, & in eorum defectum primae Dignitati, seu antiquiori Canonico uniuscujusque Ecclesiae Archiepiscopalis per praesentes committimus, & mandamus, quatenus ipsi, vel duo, aut unus eorum per se, vel alium, seu alios praesentes Literas, & in eis contenta quaecumque ubi, & quando opus fuerit, & quoties pro parte in praemissis interesse habentium, seu alicujus eorum desuper fuerint requisiti solemniter publicantes, illisque in praemissis efficacis defensionis praesidio assistentes faciant auctoritate nostra praesentes literas, & in eis contenta hujusmodi ab illis ad quos spectat, & spectabit in futurum inviolabiliter, & inconcussè observari, omnesque, & singulos, quos ipsae praesentes Literae concernunt, praemissorum omnium, & singulorum commodo, & effectu pacifice, frui, & gaudere, non permittentes illos desuper a quoquam quavis auctoritate quomodolibet indebitè molestari, perturbari, vel inquietari. Contradictores quolibet, & rebelles per censuras, & poenas Ecclesiasticas, aliaque opportuna Juris, & facti remedia, appellatione postposita compeſcendo, legitimisque super his haberi. servatis processibus censuras, & poenas ipsas, etiam iteratis vicibus reaggravando, invocato etiam ad hoc, si opus fuerit auxilio brachii Saecularis.

§. 4. Non obstantibus fel. rec. Bonifacii Papae VIII. Praedecessoris nostri de una, & Concilii Generalis de duabus dietis, dummodo ultra tres dietas aliquis vigore praesentium in Judicium non trahatur, aliisque Constitutionibus, & Ordinationibus Apostolicis, ac quatenus opus sit d. Congregationis Bethlehemitarum, etiam juramento, confirmatione Apostolica, vel quavis firmitate alia roboratis statutis, & consuetudinibus; Privilegiis quoque, Indultis, & Literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis illorum tenores praesentibus pro plene, & sufficienter expressis, & de verbo ad verbum insertis habentes, illis alias in suo robore permanfuris, ad praemissorum effectum hac vice duntaxat specialiter, & expresse derogamus, caeterisque contrariis quibuscumque.

§. 5. Volumus autem, ut earundem praesentium literarum transumptis, seu exemplis, etiam impressis, manu alicujus Notarii publici subscriptis, & sigillo Personae in Ecclesiastica

Confirmatio relatorum Decretorum.

Clausula cum deputatione Executorum.

dignitate

1714.
& 1715.

dignitate constitutæ munitis, eadem prorsus fides ubique locorum tam in iudicio, quam extra illud habeatur, quæ haberetur ipsis præsentibus, si forent exhibitæ, vel ostensæ.

Datum Romæ apud Sanctam Mariam Majorem sub Annulo Piscatoris die XXII. Decembris MDCCXIV. Pontificatus nostri anno Decimoquinto.

CXXXIX.

Communicantur Provinciæ Bohemiæ, Moraviæ, & Lusatiæ Ordinis Cisterciensis privilegia a Gregor. XIV. Congregationi S. Bernardi Hispaniarum concessa; & ab Urb. VIII. ad Congregationem Superioris Germaniæ ejusdem Ordinis extensa.

Gregorii XIV. Constitutio hic refertur. Et Constitutio Urb. VIII. ed. fuit 1624. Jun. 10. Hujus Pontificis Const. ed. 1710. Sept. 25. P. 10. confirmata fuere quedam Officia SS. pro Congregat. S. Bernardi. Const. ed. 1716. Oct. 8. P. 16. communicantur indulgentiæ Ordinis Provinciæ Silesiæ. Et Bened. XIII. Const. ed. 1728. Jan. 25. P. 5. confirmantur Privilegia Ordinis.

Dat. 7. Martii
1715. An. 15.

C L E M E N S P A P A X I .

Ad perpetuam rei memoriam.

Dudum a fel. rec. Gregorio PP. XIV. Prædecessore nostro ad favorem totius Congregationis Regularis Observantiæ Ordinis Cisterciensis. Regnorum Hispaniæ emanarunt literæ tenoris, qui sequitur, videlicet:

Constitutio
Greg. XIV.

§. I. GREGORIUS PP. XIV. *Ad perpetuam rei memoriam.* Romanus Pontifex Religiosorum Congregationibus, illarumque personis, præsertim sub regulari observantia, & reformatione Altissimo famulantium a Sede Apostolica concessa privilegia nedum confirmare, & approbare, sed & alia aliorum Ordinum Regularibus personis, & piis locis concessa ad eos quandoque extendere, & ampliare consuevit, prout eorundem Religiosorum vota exposcunt, & ipse conspiciet in Domino salubriter expedire. Sane dilecti filii Generalis Reformatore, Abbates, Priores, & Monachi totius Congregationis Regularis observantiæ S. Bernardi Ordinis Cisterciensis Regnorum Hispaniæ Nobis nuper exponi fecerunt, quod cum alias per fel. rec. Martinum V. Eugenium IV. nonnullosque alios Romanos Pontifices Prædecessores nostros, seu Sedem prædictam diversa privilegia, gratiæ, & Indulta tam eidem Ordini Cisterciensi, quam dictæ Congregationi, eorum Monasteriis, Domibus, personis, & locis generaliter, & specialiter, ac particulariter concessa, seu forsitan per eosdem, & novissime per piæ me. Sixtum PP. V. Prædecessorem nostrum confirmata, & approbata, ac innovata, & extensa, seu ampliata fuerint, prout in literis Apostolicis desuper confectis plenius continetur. Cum autem firmius subsistant ea, quæ sæpius Apostolico fuerint roborata munimine, cupiunt præfati Generalis, Abbates, Priores, & alii utriusque sexus dictæ Congregationis personæ pro illorum subsistentia firmiori, per Nos confirmari, & approbari, necnon pro ipsorum Generalis, & personarum Regularium ejusdem Congregationis consolatione, & Religionis augmento quæcumque tam eidem Cisterciensi, quam quibusvis aliis similium, vel dissimilium Ordinibus, & Religionibus, eorumque Congregationibus, & Monasteriis, Domibus, Ecclesiis, piis, ac charitativis locis, illorumque quibusvis Superioribus, ac utriusque sexus Regularibus personis concessa Privilegia, facultates, & Indulta quæcumque & qualiacumque sint ad præfatam Congregationem Regularis Observantiæ S. Bernardi, illius

Referuntur
Pontifices a
quibus concessa
fuere privilegia
Ordinis Cisterciensis.
& Congregationi
S. Bernardi.

Monasteria, & quascumque utriusque sexus Regulares personas extendi, illasque, & illa eis communicari. Quare pro parte dictorum Generalis, Reformatore, Diffinitore, Consiliario, Visitatore, Abbatum, & aliarum dictarum personarum Nobis fuit humiliter supplicatum, quatenus eorum desiderio annuere aliasque in præmissis opportune providere de benignitate Apostolica dignaremur: Nos qui Regularium votis, præsertim Religionis augmentum cernentibus libenter annuimus, eaque favoribus prosequimur opportunis, singulorum privilegiorum, gratiarum, & indulgentiarum, ac desuper confectarum literarum hujusmodi tenores præsentibus pro sufficienter expressis habentes, necnon Generalem Reformatorem, Diffinitores, Consiliarios, Visitatores, Abbates, Priores, Monachos, eorumque utriusque sexus Regulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodata fuerint ad effectum præsentium dumtaxat consequendum harum serie absolventes, & absolutas fore censentes, hujusmodi supplicationibus inclinati omnia, & singula cujusvis generis privilegia, prærogativas, concessiones, & facultates, exemptiones, & libertates, conservatorias, immunitates, & indulta, absolutiones, dispensationes, & peccatorum remissiones, Indulgentias, etiam plenarias, ceterasque gratias spirituales, & temporales, etiam per modum communicationis, ac extensionis dicto Ordini Cisterciensi, ac hujusmodi Congregationi illorumque utriusque sexus Monasteriis, Domibus, Conventibus, Ecclesiis, Collegiis, piis & charitativis locis, rebus, & bonis, necnon Abbatibus, Generalibus, eorumque Capitulis, Diffinitoribus, Consiliariis, Visitatoribus, Abbatibus, etiam quatuor primis Prioribus, Officialibus, Ministris, ac omnibus aliis eorum Superioribus, Prælatibus, Monachis, Monialibus, & illorum utriusque sexus singularibus personis in genere, & in specie, ac tam conjunctim, quam divisim, aut alias per præfatos, & quoscumque Romanos Pontifices Prædecessores nostros, & Nos, Sedemque Apostolicam, ejusque Legatos, & Nuncios sub quibuscumque tenoribus, & formis, etiam ad quorumvis Instantiam quomodolibet concessa, seu communicata, & extensa, necnon desuper confectas literas, ac scripturas quascumque cum omnibus, & singulis clausulis in eis contentis, quatenus sunt in usu, decretis Concilii Tridentini non adversantur, Apostolica auctoritate, ac ex certa nostra scientia tenore præsentium perpetuo approbamus, & confirmamus, illisque perpetuæ, & inviolabilis firmitatis robur adjicimus, ac omnes, & singulos tam juris, quam facti, ac solemnitatum quarumcumque omisarum defectus, si qui forsitan intervenerunt in eisdem supplementis, & pro potiori cautela illa omnia, & singula in eis contenta, & comprehensa, cum illarum extensionibus, communicationibus, & ampliacionibus eidem Congregationi S. Bernardi, & singulis ejus Monasteriis, Domibus, Locis, eorumque Superioribus, & utriusque sexus Regularibus personis de novo concedimus, & de uno Monasterio eorum ad aliud concedendo sine ulla differentia extendimus; & insuper ob singularem reformationem, & observantiam dictæ Congregationis in ejusdem Monasteriis institutam, & conservatam, eosdem amplioribus favoribus decorare volentes omnia, & singula privilegia, prærogativas, concessiones, favores, facultates, declarationes, absolutiones, relaxationes, dispensationes, dationes, & Indulgentias etiam plenarias, ac peccatorum remissiones, conservatorias, immunitates, exemptiones, li-

Confirmantur
eadem privilegia,
& depon
conceduntur
d. Congrega
tioni.Conceduntur
& communicantur
Congregationi
Hispaniæ, ad eam
que exten
duntur Privi
legia omnia

bertates,